

Di alti Linde

f, f **(B-Dur)** (2 st. Jodel)

Hie obe schtolz u chreftig schteit
di alti schöni Linde. E jede Mönsch
wo zueche geit, cha heile Fride
finde. Ir grosse Chronen het es
Platz für gar mängs Röipli, Finkli,
Schpatz u *Gueg ir ruche Rinde.

Sit vielne Jahre schtah n'i da,
weis si mir lysli z'brichte. Ha Is u
Bluescht gseh cho u gah, u aller
gattig Gschichte. Gseh jungi Liebi
zäme cho. Mängs Ach u Weh gseh
n'i halt o, ha öppe chönne
schlichte.

I höckle still im Schatte da, ha
hie di Wermi gfunde, woh alt bim
Chrämer nid chasch ha. Si
gschänkti Läbesstunde. Lue, näb
mir zueche isch no frei, da uf däm
*Miesch bewachsne Schtei, cha o
dis Lyde gesunde.

*Gueg = Käfer

**Miesch = Moos